



釋良忠述

往生要集卷中義記第六

第四止惡修善即有標釋止行二善為此段名造惡之人鄭勤行心修善之者正行有勇故此段來釋中有三一依二部經列所修要二以問答釋取捨意初分為二初明五事二明事初二一引本經二問此下明事義相有五因緣者問若無五緣終不成就答機益不同若期見佛必具五事若中下人散心念佛隨犯隨懺故同經說犯戒業等其五緣法可隨應也亦當讀誦等者問更加讀誦可云六緣答有云上五緣能助也正念諸佛所助也亦當讀誦能助也念佛力

本云邪命此本為正符合觀念門引文故安忍者辱翻嗔故今舉之於六十等者問阿鼻獄是一劫限如何咎無間中友六十菩薩如然欲生黑繩者問准阿鼻後生等活獄應等活後生餘惡道下賤人身咎若是等活約順後業黑繩等約不定業欲從此沒已者燒熟沒後邊地下劣是前生報指值佛生而云從此以殘殃故釋尊滅後後五百歲猶為閻鉢五百歲後惡業漸滅生極樂界得彼佛記問幸值佛世悲感宿障流淚懺悔何及滅後五百歲初得滅罪生極樂界咎無始無明有厚薄異得道時限自分遲速又有宿

所助也依讀誦解生上五事無別体合不云六緣能生所生異立別科次下云六種法蓋此意也此六種法者引經文已云此六種故五事法加讀誦也妙云泉云不恚不嫉各別論之故云六種註文云已上瞋恚已上嫉妬已私云可存兩義一云舉五緣已後云亦當讀誦次下云六種法知加讀誦云六法也一云下委釋註云已上戒品已上邪見慳慢已上瞋恚已上嫉妬已上精進如今分文者開恚與嫉合邪見慳慢此加讀誦云六法欲但今分文雖順引證而非可亂標列科文前解為正妙抄若起邪念者即見也有

業時記五百歲後往生益若約滅罪何逕多時故復更云一切業滅善根增長菩薩乘入者雖經不說比丘行相持戒頭施菩薩致嫉謗故則知彼二比丘大乘深解之人故云以欲樂等不同其過如彼勝意謗喜根解即墮惡趣炫耀者以持戒等為名利緣甚遠深理馬井二比丘者問為馬與井為馬井等之二比丘答一云馬師井宿之二人也婆娑論云如世尊為馬師井宿二苾蒭說此愚人離我正法及毗奈耶已一云馬井等二比丘也大論慧影疏四云馬井比丘者即是馬星非是好星比丘也亦名馬師今此中乃

言馬星是星名二是蒲宿此二比丘以放逸故無有善法也已大論十八云如馬星比丘為舍利弗說偈已十住論六云馬師蒲宿二苾蒭已雖見佛聞法者自獄來故殘殃猶有無信修行重墮惡道又前兩句指馬井相狀後兩句述值佛無益故上墮惡下亦不自勉是一事也曠劫沉苦今亦不勉故云猶亦戒席有此比丘是不淨故佛不說戒目連以他心智擯出然佛尚不說戒目連請戒佛言吾無二言前言不說今何可說云此戒門旨非修多羅金剛般若論者同經疏天云弥勒作偈天親長行釋懶有三卷已瑜

遁倫記云慈氏菩薩隨無著機恒於夜分從知足降於禪省為說五論一頌一瑜伽二分別觀亦名分瑜伽論三大莊嚴四牟中邊五金剛般若上福不趣菩提等者福者前五波羅蜜也二者於般若波羅蜜分為二一自受持二為他演說於實名了因於餘名生因者此有二義一云於實者法身也此以受持演說二智悟顯法身故名了因了因者能了智法身者所了理今能了智名了因也於餘者報應二身以此受持演說二智出生二身出生者餘二身本無今有身力故名生因故金剛般若論上云偈言於實名了因亦

為餘生因乃至於彼法身此二能作了因亦能作生因餘者受報相好莊嚴佛化身相好佛於此為生因已上一云於實者般若波羅蜜是無漏成佛因故名了因於餘者前五波羅蜜是成有漏三界生因不能出離故名生因釋義五云論云於實名了因等者頌意正明讀誦般若資中於實相是故持誦名為了因故云於實除斯已外但名生因者有漏因也故云於餘福不趣菩提二能趣菩提者布施七寶如須彌山福也受持及讀誦此二趣菩提是故此二名為了因已上尋云於二義中何義順文答林善抄云准論文抄

受持讀誦二種於法皇名了因望報應名生因也門若余竹文云生因者有漏因有漏因者准金剛仙論文以世間有漏布施等名有漏因已此文何會答以報應因名有漏有何失耶有云於餘名生因者以有漏布施望生死果報名生因籤文余也云問若余違本論文如何答隨義轉用意也可見淨名疏第十矣尋云二能趣菩提乃何者為二一者受持二者演說如經受持至四句偈等為他人說上竹文何云受持讀誦答竹云今引論文且存自行故無說法已上林善抄彼經姨憲等者問戒品讀誦何引餘文答本經雖具

說相更引餘益何有妨二明十事直引經文不更別釋義易了故當愛敬人者或學誦三昧人欵或惱通一切行人欵問第二長老第十善師有別耶答應誦作四句自有長老而非師故釋取捨中有五問答初捨六部法次取五念門三次持戒要四因明通別治五明持戒念佛各有所益初問舉六部中多法四十六種法應看本文是今所置不能曲尋勤行六法者問所標六法文初舉之如何答文初五事讀誦今之六法同異未弁若異兩種六法若同並標取捨諸法喜交結知友者弘云如彼來我往珠闇水濁已上答

中有三初明將護行者略舉最要二若堅下明今所舉攝持無外三然鹿下治無義語鹿強惑業者指數數貪瞋十惡等無義語者無益語也註維摩云凡不為善及涅槃而起口業悉名雜說也釋僧肇曰華飾義言苟悅人意名無義語已華嚴二十六云無義語罪亦令衆生墮三惡道若生人中得二種果報一者所有言語人不信受二者所有言說不能明了已問無義語所捨法何今治之答雖是最要故抽而治之如人失火等者大論云遠離無益談說者此即是綺語為自心他心解愁事說王法事賊事大海山

林藥草寶物諸方國土如是等事無益於福於道菩薩懸念一切衆生沒在無常苦火中我當救濟云何安坐說無益之事如人失火四邊俱起云何安處其內語說餘事今云絕無益語相續念佛之勸左慇懃銘肝勿忘二取五念中一者依智慧門等者智慧約自行慈悲約化他方便兼二也二者無染等者初一智慧後二慈悲拔苦與樂以為差別委如註記前四弘中者指緣事中自利利他具菩提心之人具離順六法也三決持戒要問意者念佛自滅罪何更用戒慎罪咎意者助念用不可隨機宜一心念佛何必用

也若餘皆濁亂何不用也又集意並勸持戒及菩提心已許未發心往生義戒法亦以不定正行念佛人同修助行用不多少可隨機宜正行隨機尚異觀稱况乎持戒定冠諸機問一心念佛可勝餘皆濁亂其餘下機必可守戒行耶答上下相對不可一槩今一心念餘皆濁亂俱上品機觀佛經中云行五事令心不退疾得見佛若一心念不必用戒其餘下機持戒見佛若一心念持戒見佛奚冠一切下機是以用對治今濁亂流極惡最下豈須此治故知三學無分下機若在平日若於臨終稱本願名以佛力故滅

罪往生祖師口傳云淨土教文上自龍樹天親下至五逆謗法普勸凡聖善惡人故乖角文多見勸上機文勿卑下見勸下機文勿放逸云當世勸持戒律師等雖似勸正見立破戒不生義令機疑悔耳露交命蓋斯謂也野鹿難繫等者勘云大經十四云又如家犬不畏於人山林野鹿見人怖走瞋恚難去如守家狗慈心易失如彼野鹿上精進持淨戒等者勘云大度經云人無戒如瓦石真戒者如明珠上四因明治中誠如等言指上然畫等句妄心等言指上其餘等句答中先明治障次若惑下重勸用意治

障最要故戒治上重述對治文分別通初一治等者
惛闇者觀離妙相其心明了如惛眠時見明照相
其心覺悟惡念者念佛正功德當得正念逼迫者念
寂滅平等何滯境界初治惛闇障者初觀真佛若不
除障當對像佛猶不明了頻重開目閉目即心眼開次
治惡念障者初明障二何以下明由三辟如下立辟
合法後治逼迫障者初明治相二若念下明餘治不
當二別相下明通治中今加三通治者妙云以三障
配三身是云別治次通治者今家意耳云一能等者
先標治相次引二經初者已知惑賊何奪法財賊被

人知何留跡也三業持善如擎油鉢常作用意無失
善法次者初經擯煩惱賊防護自心次經作惡沉苦
如入大僻毀譽惱亂是煩惱境心意顚動煩惱起動
八風頻起忍之感德大僻者五刑中之第五即死罪
佛問頻婆云何治國王云以五刑而治佛言我以五
篇治弟子云孝經云五刑之屬三千注五刑謂墨劓
剕宮大僻也其三千條墨辟之屬千刻其額墨之也
劓辟之屬千截其脣也剕辟之屬五百斷其足也宮
辟之屬三百割其勢也大辟之屬二百死刑之九五
刑之屬三千也上二通等者先標治相次謂此下正

明推求先列四句次若由下正明推求後引經論四句之中兩單俱非義易覺了也世執共生又佛經中亦許因緣生法若知無明從妄想生共生見破若無妄想共時不生若有妄心共時必生既稱為妄云何有因若有所因云何名妄若識境界虛幻非有何徒得有結惑妄心龜毛蒐角者勘云弘二云成論云蒐角龜毛若飛蒐陸龜容有毛角故大經云如水龜毛如走蒐角已辭如二沙等者勘云涅槃經二十三云躰如厭沙油不可得心亦如是雖復厭之貪不可得當知貪心二理各異設有之何能汙心上由境不生

由心不生等之辭也用多四句者隨所推多云多四句有云付此四句如今複四句各作四句合四十六也具足四句合六十四也三者等者先明治相次故經下引證後我今下仰請佛力經云等者心地觀經也常為心師等者涅槃疏十一云前心起惡後心隨緣者此非心師前心起惡後心取息是則心師已五明各有益問者若破戒者恐罪守戒立念佛行前雖治破戒病答者破戒之者恐罪守戒立念佛行前雖破戒念佛還滅前罪常恒破戒念佛不成何有治病此且約消觀佛經難若依佛力無戒念佛滅罪往生

諸文分明勿致遲疑。問犯重戒者何更受持答云
第五懺悔衆罪即有標釋懺悔者天台觀經疏云懺
摩此云悔過而今梵漢兼云懺悔已釋分為二一述
懺罪意不遇日者禮譚云不滿念時日今且約下品
二懺悔非一下正明懺悔於中有三初明別時懺悔
二然行下明常時三事初正明懺悔二餘如下引下
加今初明事理懺悔二問直觀下問荅決疑初二先
事懺悔次或復下理懺悔事懺為三一憑依毫光二
或須下念依毫相三或一下仰念神咒過去空王佛
等者依云意出觀佛經第九等云慈覺大師依彼經

意結此偈也本經云敬禮西塔常行堂云禮拜東塔
如今放檀光等者止觀私記云讐華嚴思益等名六
度光上華嚴七云又放光明名無慳彼光覺悟除貪
惜解知財寶非常有悉能捨離無所著難制慳心能
調伏解財如夢如浮雲常能歡喜樂布施因是得成
無慳光上餘五度光准之可知大般若八云六波羅
蜜是菩薩光明上大品云欲得光明無量無邊當學
般若已或須臾間等者前後俱雖念白毫相前露罪孽
念相力依云觀佛經第二已一遍能滅四重等者妙
云此文引觀行軌也疑問云所引文違本軌說文云

比丘比丘尼犯根本罪者誦七遍已還得戒本清淨
云如今所引者一遍功勝七遍力劣但滅根本罪不
及滅五逆故也云此會云所引文本軌文更無相違
但所探疑者今罪恐非殺等四波羅夷欵大日經疏
常不應捨法捨離菩提心慳惄一切不利衆生行是
名四根本云有云別機也云又有會云本軌云此無
量專如來施羅尼誦一遍則滅十惡四重五無間罪
一切罪障悉皆消滅若犯比丘比丘尼根本罪誦七
遍已即時還得戒本清淨上根本之罪者殺盜婬妄
四波羅夷通於七衆雖是重罪而出家人更加破戒

違無作罪之故犯之勝俗人殺盜婬妄故一遍罪輕
七遍罪重云今云如本軌者一遍唯滅四重五逆七
遍非唯滅四重等剩得戒本還生也而今所引略引
乏讓經故也又今論滅罪故略得戒理中非內非外
者身云內境云外次疑有四番初何故等者事體既
是毫相神咒同念佛德故疑衆理答中先許事理別
行何況等明理即念佛又念佛亦有理念謂念如來
名相之人亦念理體故安樂集云或念法身稱名亦
尔又於理行有迷悟境佛所證理豈混迷理故佛功
德云無上涅槃台教所談三千在理同名無明即是

等罪障本理即是法身法身觀是真實念佛順機為
勝等者止觀二云或言界內隨他意故為拙界外隨自
意故為巧或言界內稱機故為巧界外不稱機故為
拙上凡於佛教毀譽隨時與奪依事以可准知又他
力門中事行尤勝經_{多至}十千劫未出火宅一念力橫
截五惡堅住執著者妄生不善知妄本無誰執罪福
類石敍生飛華供佛更無罪福初生有見名為堅住
不捨愛樂名為執著是輕重異耳戒身不壞者身體
義持開遮戒者發大心人設犯重戒無所違犯故菩
薩戒名重戒故云不失大賢云然望聲聞略有三種

不同分相一受不同分相謂菩薩戒除真七遮一切
受得如本業說六道衆生受得戒但解語得戒不失
佛子又雖犯重若非七遮現身得受不同餘戒如本
業說十六云有犯無悔得使重受瑜伽亦不然此經
中約犯亡遮密意惣說犯十重者現身不得戒二犯
不同分相攝大乘說菩薩性罪不現行故與聲聞共
相似遮罪有現行故與彼不共於此處所有聲聞犯
菩薩具有身語心戒聲聞唯有身語二戒謂人與行
各有四句人四句者一內邪外正二外染內淨三俱
淨四俱染行四句者一舍小福而取廣大二順深道

而遠淺近三俱順四俱違此中菩薩取中間二故與聲聞自_二有不同由此亦有性罪現行如瑜伽說善權方便為利他故於諸性罪少分現行而無所犯反生功德問既生功德何名性罪答意樂雖善方便惡故然處_二說不犯不染俱由意樂不由方便以方便時亦有染故如說在家慈心行嬌出家不_二護聲聞故三捨不同分相比丘戒三品犯重皆捨淨戒菩薩必由上品纏捨如慈尊說若諸菩薩毀犯四種他勝處法數之現行都無慚愧深生愛樂見是功德當知說名上品纏犯非諸菩薩覽一現行他勝處法便捨菩薩淨戒律儀如諸苾芻又比丘戒必懲受持故犯一重便失一切菩薩不_二如瑜伽言菩薩戒中無無餘犯謂上品纏雖被一重不失餘故猶如近事懲受持二雖名犯戒而成其性如契經言有而犯者勝無不犯有名菩薩無犯名外道又初誘戒由有一分受亦有一分持如世尊言受一戒名一分優婆塞菩薩亦余隨分戒故如契經言有受一分戒名一分菩薩乃至十分名具足受戒又比丘戒隨命即捨菩薩不_二雖轉餘生戒隨逐故又如經說一切菩薩凡聖戒盡心為體是故心盡戒亦盡心無盡故戒亦無盡上又

天台梵網義記云開遮異者大士見機得殺聲聞雖見不許已開者許義遮者翻之准餘處說者指大論欵或指弥勒所問經十念欵第一義空等者緣中心也問若准天台一切智者緣空心何咎尔也有云或約相即或准三論宗或住大論現文而已戒律中戒等者遮罪也細微者指威儀等矣十惡輪罪者分離名輪十惡別故轉重輕受者大論三十七十五云先世重罪應入地獄以行般若波羅密故現世輕受辭如重因緣應死有勢力者護則受鞭杖而已已行事鈔云何是業能得現報不未來受謂懺悔發露供養三寶

常自呵責以是善業今世頭目等痛橫羅死殃鞭打飢餓若不修心戒心慧反上諸法增長地獄已資持記云初明懺者現報即受所謂轉重為輕也乃若下明不懺者生報方受已隨轉理門者勘云唯識論云小乘等之非理盡說言隨轉理門也取瑜伽抄智雲今案此論上下文意言隨轉理門出唯識者與四悉檀中世界悉檀為人悉檀意同一切隨宜不違機宜之名也暫用便捨非本意也隨轉旋還并隨他意也所以彼隨轉理門與天台隨他意語同已隨轉理門則方便說真實理門是實說也如下料簡念佛相門

者此指臨終念相段也二三事中懺悔滅罪如文隨喜勸請亦滅罪業故同用之起信論云晝夜六時礼拜諸佛誠心懺悔勸請隨喜迴向菩提常不休廢得免諸障善根增長已法然云六時礼拜等惣明除障方便如人負責依附於王則於責王無如之何如是行人礼拜諸佛諸佛所護能脫諸障懺悔下別除四障一諸惡業障懺悔除滅二謗正法鄣勸請除滅三婬姤他勝障隨喜對治四樂三有障迴向對治由此四障能令行人不發諸行不起業故修是行以對治之已上禮拜之次者問彼文何不列三事答上如本論

釋行體故不列三事今因懺悔更寄彼門三三黑業從三界煩惱而生者問上二界惑不能造惡如何答大乘不善尚至等覺又三界惑是有漏一物故互成增上緣故習行三乘人具足三乘者問其別如何答上約行人下約得德

第六對治魔事即有標釋問靈芝云淨土門無魔對治此理極成如何答他力門中不用別治但仰佛德魔事自息故治不治其義不乖尊師云佛恐衆生四魔障等今云但依念佛一治則其義也釋中先問舉諸魔事微對治法答標念佛一治分事理念經論雖

有種々別治今他力門故不舉彼對治雖多豈如佛
治種々魔事者魔有四種今就大魔有種々難若明
了等者問明了善事何是魔耶答下文云如是等事
若過若不及皆是魔事雖是善事過分魔事也言行
相應者是真實人佛天加護故魔不惱言行不相應
者是虛假人佛天不護故魔惱之如所言乃護念
等者大般若對治魔事品文也如下利益門者此指
冥得護持段也如止觀等者治相是同故今引用彼
此同雖觀無相法今約他力偏為念佛證毒脅者毒
辟也若不順我等者天魔發心而誠群魔止觀云魔

雖說空假不說中道上故行實相魔不得便

第七惣結要行即有標釋若不弁要徒疲非要故立
此段釋有二重問答初簡要不後明要義簡要有七
一菩提心二護三業三者深信四者至誠五常無間
六念佛正業七迴願心七法中以稱名為正餘為助
此段料簡如上人釋但有諍論事上諸門中者問指
何門耶答有云局助念門有云指第四第五兩門既
云惣結要行於行門中撰要故局四五兩門文云未
知何業故云況復具餘諸妙行故狀離等三門非行
故不可舉之云今云不然廣指上五章也但至惣結

要行言者行為要故非遊心解况復具餘諸妙行者有云顯密事理等行以下文云今勸念佛非是遊餘種妙行故妙云上諸門中不舉雜行故今所問於五念中何行為往生要也答意稱名為要次況復具餘者指礼拜觀察也下文云觀經下下品阿彌陀經鼓音聲經但以名號為往生要何況觀念相好功德也云意與今同如此料簡不可遙無餘修有人宮西山去此念佛門宗義為不堪觀者勸進稱名故觀察門述此義也若約當機可勸稱名懇結要行即此意也云尤可然尤可然已上妙抄念佛為本者是稱名行以下

文云稱念佛是行善故覺觀業障者覺觀約能作心業障約所作業稱念佛行善者妙云稱謂稱名念謂觀念一云唯局稱名如空上人料簡已尋云懇結要行者懇結一部所明行業若尔結文何在中間答念佛門中行相用心四五兩門悉盡故也

大文第六別時念佛分二初標列二第一下別釋尋常者是平生此對臨終之言別行者即別時此對長時之言妙云付之懇有二類別有四類先平生遙期往生修此行之人此有二類一平生修行別時念佛之後長日行不退念佛信不怠適雖犯小罪慇懃修

懺悔之人必唱臨終十念可遂往生素懷二遙欲期
往生之處俄報命盡人猛烈心不怠即可往生次近
臨終之期修此行之人亦有二類一即命終人往生
無疑如上第二類二不慮命延送多年之人亦可往
生如上初類已上四往生類可也雖修別時念佛其信不深
亦修畢之後犯罪業不用懺悔之人又一度修別時
行後不修長日念佛之類此等之人不可往生欲所
詮七日稱名之間信心厚薄一期平生之間罪障輕
重依此等差異可有往生得否如上別釋自二初尋
常中為四初標二於月下釋名義三或二下列時量

四所下引依釋相列量中有二種儀初謂一七不定
次謂十九定又從其機一七俱定若從諸機何定
十日九十月也釋相有三初一日乃至七日二十日
三九十五時一七不定故為一段十九定故二牒釋
初舉四文中觀念門者先引所依次欲入下明行儀
三晝夜或下明懺悔四願誦下明出定行一令義相
如彼私記引諸文中雖非弥陀以通成別如彼文殊
般若隨一佛方面釋必須正西如次利益者指彌陀
別益又綽禪師依小經等者問上捨得經文今依小
彌陀經有何異也又經中不說別時行如何答依木

穂經，捨得，但能念佛，百万遍，依小經，七日念佛，捨得
百万遍，為異，百万遍，行七月，別時並為要益，二要俱
依綽師，故兩度呼師，述其義也，七日事成，其例甚多，
百万遍，功出木穂經，故七月，中滿，百万遍，其益彌強，
大集等經，雖說七月，未勸遍數，又七月，行經意多含
故，有異釋，二中標，二部經，義相指下，問今不引文，推
下別益，有何意也，答今明時量，所依為要，下明益，相
非文，何弁，三九，十日，本依，雖是般舟，為弁行相，引止
觀文，今提決意，令文易識，初開章次，方法者，下別釋，
先方法，中有三業，相於中，先標用，三業意，二此法下

明三昧，所依名義所住，三身開，下正明行，相翻為佛
立者，般舟讚云，翻常行道，以常行道成佛立也，二佛威
力等者，經云，大誓力，誓願即威，力故，本功德力者，一
卷經，云，佛力三昧，本功德力，已依之，觀念門，云，弥陀
佛三力，三卷經，上云，於三昧中，立者，有三事持佛威
神力，持佛三昧力，持本功德力，用是三事，故得見佛，
已上此三力，中第一第二同有佛字，第三無故，今約行
者弘決，云三力者，不可偏弁，故也，因緣和合，感應道
交，故三力隨何方佛，欲見即見，彼佛力持三昧力持
本功德力持用，是三事，是故見佛，已上住處者，三昧相

應相應不同。三昧不等經云或時說有覺有觀等三地相應或說喜樂等五受相應或說諸支相應或說界繫相應或說非界繫等如是等相助念佛三昧相應住處法不得_{不得}弃其深淺故云須論議也又釋經意故從惣說雖云有覺等諸相不同以念佛故全異根本中間者中間禪也或非中間禪可連初中間二三四今不次第故知惣指四禪可云其中間問不舉未至地答云或少時等者付少中多差別有四一約四禪二約時節三約世界四約見佛對文可見明行相中先身開遮且約常行文具三業辟癡人等者與

惡知識往來傳舊以能生不善根故故寶積經云有四法應急走捨離一利養二惡友三惡衆四同住者或笑或瞋或鬪當離百由旬外好憚他故名曰癡人鄉里親屬緣務多故故須遠遠不得希望乃不受別請者弘云不得慚望至別請者經云輒以乞食自活多所成就十住毗婆娑云乞食十利一者活命自屬不屬他故二者施我食者令供三寶然後當受三常生悲心四隨順佛教五易滿易養六破橋慢七無見頂相善根八見我乞食餘善人効我九不與男女大小有諸事十次第乞生平等心若淨名中迦葉捨富

從貧空生捨食從富外現偏跡亦受彈呵諸律論文乞食之法不一處足為福他故令至七家順少欲法不損施主不受別請者普使十方獲拘受之益亦順佛教及少欲等及令施主得平等福故優婆塞戒經云佛告鹿母雖請佛及五百羅漢猶不得名請僧福田若於僧中請一似像極惡比丘得無量福雖是惡人亦能為人說戒定慧及三菩薩有因有果不毀三寶執持如來無上勝惱勝惱者袈裟也為是義故不受別請律開多緣梵網唯制律部雖許僧法常行今入三昧一切俱制况此大乘宜順梵網大論云僧中

食者食者生諸漏緣若受次請妨修三昧論云若受請者得請處謂我是福德之人若不得者則生嫌恨謂彼無識應請不請不請而請或自鄙惱若入衆食當隨衆法斷埋僧事心則散亂妨廢於道故令乞食道場者道場俗中亦以為祭神處也今以供佛之處名為道場香餚者弘云亦作肴菜也非穀而食曰肴亦豆實也興沐等者弘云洗手曰興洗頭曰沐洗身曰浴洗足曰洗左右等者弘云左出右入出從觸入從淨妙云左右者便利云内外律者弘云身口律儀為外意地律儀為內謂大小乘俱有意地所起遠方

便罪及十善惡後三是也世云小乘制身口大乘制意者不必全爾應知大小兩乘若結罪過咸從身口遠方便遍並防於意地故知大小兩乘若制止遍並防意地若制作遍單制意者謂修定慧則大小并然除茲已外餘心念法及識輕垢并加身口合掌宣吐或有但心如悔輕吉或大乘中觀理識重仍加身口又小乘為外大乘為內若但善律儀不識防障亦非師位於所聞三昧處如視世尊等者亦出彼經又大論四十九云菩薩因師得菩提云何不敬豈有上智高明於師不敬若不敬師則失大利如并無縛水無

由得有慢之人如水不住嶺若依善師三學增長如樹有根枝葉增長是故佛說敬師如佛論問善師尚不能敬惡師云何能敬而令敬師答勿順世法著善遠惡若能開釋深般若則盡敬之不念餘惡不以囊冕而弃其金如夜行燈惡人執燭不可以入惡而不取照菩薩亦尔得智慧光不計其惡如空中告波喻言汝於師所勿念其惡復次師之好惡何預於我六求法利不求於惡如泥木等無有功德因發佛想得無量福何況於人又觀師如佛者如觀諸法畢竟空觀諸衆生視之如佛何況於師十住婆染云從他求

智慧不惜身命故須敬師若師輕慢及以愛敬心無
有異不因師求利師有過失當須隱藏師過彰露方
便覆_{カキ}之師有功德稱揚流布何以故修三昧者善護
其心恐輕於師三昧不成故下文云若於師生惡求
此三昧終難得然為師者故須無過今明九師未能
盡善故誠學者不見短長等當割肌肉等者舉重况
輕肌皮也餘謂身外依報等也弘云僕者奴也古之
男女入罪者以為奴婢須外護等者不飢不飽如亦
愛如亦策_{カタ}同行如共涉_{カタ}者失_{カタ}則俱喪同行當如
乏須要期等者以願自要期心三昧超大信等者信

一切法無_{ナシ}非佛法故不可動為此法故而行精進名
大精進於法無染曰精念_{スル}趣求為進一切種智導
於衆行故無能及常與善師等者求師必在盡善事
師必忘於師過為三昧故須護其心恐徒弃光陰故
令預擇又所言善者善解三昧通塞之相將導行者
使時不空捐卧出者有人云只名卧為出有何不可
然但得卧而闕_{カタ}於出久未必卧久時必出故須分釋
坐食左右者經文但云睡眠論云有四法能生三昧
一者三月未嘗睡眠除便利飲食坐起二者於三月
乃至彈指項不生我心三者於三月經行無休息四

於三月兼說法不求利養今文語便無復次第以第二我心為想欲以第一睡眠為卧出以除便利等與三四合說親近善知識等偈者論又問如是三昧寶何法能得答親近善知識一偈是也偈具四義一知識二精進三智慧四信力又三昧助修習法有五十種次口說嘿者初從九十日下至心念弥陀無休息者教用三業也次或唱念下教用念法雖云先後及以俱運於念念中無使闕一故云相繼次若唱下釋疑也具如前釋此中又加法門主也舉要下結勸三業也步々身業声々口業念々意業問於諸佛中獨

彌陀為法門主答菩提心義安然云彌陀妙觀察智主故為法門主取有云四種三昧本尊各異今常行故以彌陀云為法門主常行三昧依般舟經彼經意就彌陀說故以彌陀為此三昧本尊常坐三昧依文殊般若經文殊問經彼經意就諸佛說也但觀未成就之時乞救護就彌陀明之半行半坐依方等陀羅尼經十二夢王請道場依法華經以普賢為本尊非行非坐歷諸經歷諸善歷諸惡歷無記明之依請觀音經觀音為本尊如此四種三昧各有本尊今釋常行三昧處故云專以彌陀為法門主也云今云一代

法門多讚彌陀故云主也意止觀中先念佛相以為
觀境刹者具云刹摩此云田也即一佛所王土或以
柱表刹表所居處故三月常念者彼經云菩薩入三
昧見佛便問有何因緣得生其國佛答修念佛三昧
今文云何念即彼經問念三十二下彼佛答又一卷
經云常念我名故和尚以稱名而為佛答我亦還是
相者見佛發願次又念下於境以修三觀初空觀者
初兩句正推次佛不下即知色心佛已得初兩句不
用我心得佛心不用我身得佛身次兩句交互但略
我字後何以下釋佛之色心無相無得我色心亦尔

身口是色智慧是心色心有者良由有我以我無故
稱法本無破此本無故云壞本亦絕此壞故云絕本
次假觀舉六喻三夢寶骨像其意大同略含夢者心性
如鏡觀如緣想觀成如夢此純約行者又法身如境
報身如想應身如夢此純約佛又彼佛如境行人如
想見佛如夢此約感應三夢皆尔故凡起觀想想成
見想皆具三意畢竟空中求佛叵得故知前後二夢
明見而不可得中間一夢明不可得而見故初夢云
覺已追念不知在何處最後夢云覺已腹空中間夢
云不來不往而樂事宛然寶等三與夢大同寶如能

緣心瑠璃如所緣境影現如夢事觀當鏡像各具三
義若作異者依空現假瑠璃如空影現如假無骨如
空起骨如假淨鏡如空現像如假前三亦具空假行
人下經中略合也鏡喻起觀行者名行人色六即身
也由念想現名為所有見已即問聞佛說觀喜雖在
三昧而成聞念說者是佛故曰聞經次中觀者雖引
經文今文存略及隨義便語猶難見故先錄彼合今
釋今文今云自念等經云菩薩思惟云佛從何所來
我亦無所至即知諸佛無所從來我無所至今云我
所念即見經云作是念時三界皆無所有皆心所作

何以故隨心所念皆悉得見今云心作佛心自見心
見佛心經云以心見佛心見佛心作佛今云是佛心
是我心見佛經云心即是佛心即是佛身今云心不
自知心亦不自見心經云心不自知心亦不自見心
若取心想皆悉無智皆從無明出因是心想即入諸
法實相得是三昧智慧以二力故隨意二願次釋今
文初句准經可知次我所等下佛者皆具二意一自
心三昧所見佛二西方從因感果佛今合二義共為
一境為順理故從初義釋三昧既成隨念即見見是
心性名心作佛心既心作故見佛時名見自心若見

自心即見佛心以彼佛心是我心故是佛心至見佛者明所見佛不異我心不自知心至見心者明雖見佛求能見者及意緣知畢竟叵得故此中意追觀自心及所見佛不出法性故見佛心即見已心已心佛心即是中道不須更置雙非等言從心有想至泥洹者釋上已得之心即是涅槃是法不可示者明非說所知皆念至空耳者明涅槃離念假使有念亦能皆悉空寂次五言偈即頌前文次諸佛下七言偈轉釋前偈佛印者釋前所觀既是實相無所貪下釋出觀相無有貪有著空求中三想所有觀境所欲觀智

盡能所亡故無生無生故無滅被壞名滅自滅名壞
体其本無名為無滅本滅自無名無壞敗能趣之道
心藉此理名為道要從始至終此理為本名為道本
婆娑下引論校量相體等者實相為體共別因名業
四八相名果各有利他名用四十不共法者飛行自
在變化無量乃至無碍解脫地持有一百四十不共
法謂三十二相八十種好十力四無畏四無等解三
念處七無上大論亦有四十不共謂十八不共十力
四無畏四無等大悲三念處偈云等者重頌三身善
知等者信樂色法二身如空於一切處得無須弥等

障尋隨意見他方勸修中實智母見中眼善權方便父_之無緣大悲母智不真真子不成實智所生大悲所養成二母義若聞等者今文與論有少迴互此有深意今錄論文次明互相論云如人擾疾百年行處滿中真金以用布施_也於是三昧四種隨喜迴尚菩提常求多聞如三世佛行菩薩道時隨喜是三昧我亦如是隨喜隨喜三世菩薩所行三昧亦復如是是三世佛及以菩薩四番隨喜福與上施金福百千億分不及其一故聞三昧不驚得無邊報劫火尋滅官事師子等無毀唯除業報必應受者不得眼耳等病

常被天龍等所護諸天諸佛來至其所若一劫減說不能盡何況信修成者又有四番果報一不驚二信受三定心修四能成就次互相者今先以果報四番校量施寶次將隨喜四番校量果報四番謂自成等不如隨喜之福多者此經通小若不迴向及隨喜等唯自修成喜當於小故以四番形_多果報四番此一往勸耳如齷鼻人等辭不行法人齷者鼻病不聞氣也經卷如栴檀或遇是經義如手把破無戒信義如鼻不肯修行猶如不鳧田家子喻不識法人弃妙行貪五欲似珠博牛

第二臨終行儀先標列次釋相臨終行儀攝別時者臨終儀式即摸別時念佛輒則故攝別時是以所引觀念法門云一依上念佛三昧法所言上指別時行儀也為輔病人臨終行業簡處安佛之儀則也故云行事安病者已勸事念故云勸念初明行事中一明臨終處二導和尚下明行相三如大論下引論釋述用意最要四分律抄者行事抄贍病送終篇云若依中國本傳云祇園已上如今所引若有尿屎吐唾隨有除之亦無有罪傳云原佛垂忍土為接群生意在拔除煩惱不唯糞除為惡如諸天見人髡穢猶人之見屏廁

鳩氣難言尚不以為惡恒來衛護何況佛德而有愛憎但有歸投者無不扶濟乃至為病者隨機說法命終恒在佛所不得移乞已資持記云次文中中國本傳壇經所謂別傳是也日光沒處者壇經云西方為無常之院由終沒於天傾之位也今寺亦有但方隅不定不知法故以下出別堂所以今號延壽豈非相反專心念佛者由非舊處無心戀著但念無常必思勝法故也其堂中下次明設像弥陀院者歸心有處也然十方淨土而偏指西方者繫心於一境想念易成故西方諸佛而獨歸弥陀者誓願弘深結緣成就故

是以儒釋靡不留心，况濁世尤愚煩惱垢重，心猿未
鎮，欲馬難調。捨此求他，終無出路。請尋大小《弥陀經》
十六觀、《經往生論》十疑論等諸文，詳究聖言，必生深
信矣。像面向西病者，在後謂瓶終之時已前，當須瞻
像，令其繫心忍土者梵語娑婆此云堪忍大悲經云。
此眾衆生忍受三毒及諸煩惱，人間臭穢者感通傳
天人云，人中臭氣上薰於空四十万里，諸天清淨無
不狀之但以受佛付屬，令護於法，佛尚與人同止，諸
天不敢不來恒在佛所者恐心無繫念世事故上又
諸經要集十九云依西域祇洹寺圖云寺西北角日

光沒處為無常院，若有病者安置，在中堂號無常多
生獸背來者極衆，還唯一二矣。堂內安置一立像，金
色塗者，面向東方，當置病人在像前坐。若無力者令
病人卧面向西方觀佛，相好其像手中繫一五色絲
幡，令病人手執幡脚作往生淨土之意，坐處雖有便
利，世尊不以為惡，原其以此土是雜穢之處，猶降靈
俯接下類群生。況今將命捉佛寧相弃捨隨病人所
樂何境或作弥陀阿閦觀音等形，如前安置，燒
香散華供養不絕。生者善心，上瞻病送終者大覺
鈔批行事書抄末也云瞻是能瞻病，是所瞻送是能送終，是

所送能所通舉故曰瞻病送終也上中國本傳者有
云梁代靈祐法師造也即事而求專心念法者鉢批
云即事而求專心念者意謂既觀日光屢沒見日沒
處為無常院者此謂日光沒是無常相今以此像安
置其中也至又見來者雖多還反一二觀此等事求
其已身活路鳥在為此義故念法心則專故須送彼
無常院中也上置一立像者疑問云彼像明不云弥
陀以為定證唐土人師釋云彼或弥陀或弥勒云法
相宗學徒疑難之上有人會云無常院本佛行事抄
文送不云何佛新度資持記云阿彌陀也云法苑珠

林云隨病人所樂何境或作弥陀彌勒阿閦觀音等
形如前安置燒香散華供養不絕生病者善心上此
文似云釋迦前文雖不云何佛舉下諸尊云隨行者
欣樂最初一佛者可教主釋尊釋尊如何為臨終本
尊者一代教主偏讚西方臨終時往生西方是釋尊
力也故為無常院本尊有何過耶雖何佛迎接極樂
世界之上為極樂證據尤有道理何況釋尊耶上今
云不然毗尼討要下云瞻病送終章第二十三乃至
奉嚴賢首品云又放光明名見佛到往生論云修五
念門行成就者等上資持記云立彌陀者歸心有處

此等入師瞻病送終篇引用彌陀今亦同之加之樂拜文類四云無常院彌陀佛像上二十五三昧起請惠心作保祖筆云寫祇園寺之風近攜別院立彌陀像已又湛秀臨終記云佛即西國方准祇洹精舍無常院作三尺彌陀立像上但至或作彌陀彌勒觀音等文為隨行者意樂舉諸尊也不可云上立像外佛問無常院教主身量如何答祖師說章云傳祇園精舍風作三尺立像云妙云有人聖云此像三尺見西域傳又此像者釋尊所造云世常稱之未捨本說云金薄塗之者先師語云故上人云臨終本尊可用薄佛

今文為證云五綵幡者問靈異記云佛手付五色糸現世悉地祈者成就云今何云幡答隨意但幡為正捨玄記云依西國方有欲捨命者令面向西卧於前安立佛像亦向西以一幅頭掛像手指令病人手捉幡脚上尋云本尊之手掛幡相何答今丈云佛像左手繫幡行者左手執之云又有云此有兩說一說云本尊力指懸之行者進指取之十指當十度雖有異說左手頭指是力指也右手頭指進指也憑佛力增強標行者勇猛欵一說云本尊願指可懸之憑引接悲願之意也云二明行相導和尚等者委如彼記但

拔要抄之傍人即為念佛等者地藏本願經稱佛名號品云若有臨命終家中眷屬乃至一人為是病人高聲念一佛名是命終人除五無間罪餘業報等悉得消滅是五無間罪雖至極重動經億劫了不得出承斯臨命終時他人為其稱念佛名於是罪中亦漸消滅何況衆生自稱自念獲福無量滅無量罪已助同懺悔者涼清頭要記云起仰賴心還同自悔已問若不起仰賴心者無其益耶答有厚薄異云看病等者問其軌則何答先師云震旦人師西明寺道世為末代衆生捨一切經論章疏造法苑珠林百卷其中

為極樂行者引四分律抄華嚴經往生論隨願經教臨終方法可依用此等文隨願經云佛告普廣菩薩摩訶薩若四衆男女臨終之日願生十方佛刹土者當洗浴身體著鮮潔之衣燒香懸繒幡蓋歌讚三寶讀誦尊經廣為病者說因緣辭喻善巧言辭微妙經義苦空非實四大假合形如芭蕉中無有實又如電光不得久停故云色不久鮮當得歸壞敗精誠行道可得度苦隨心所願無不獲果法苑珠林引此文也又云普廣菩薩復自佛言若四衆男女若命未終若以終者我今當勸修福業得生十方諸佛刹也佛言善哉普廣

菩薩摩訶薩隨意教導十方人也普廣菩薩語四輩
言若人臨終未終之日當為燒香燃燈續明於塔寺
中表刹之上懸命過幡轉讀尊經竟三七日所以然
者命終之人在中陰中身如小兒罪福未定應為修
福亡者神使生十方無量刹土承此功德必得往生
亡者在世若有罪愆應墮八難幡燈功德必得解脫
若善願應生父母在異方不得疾生以幡燈功德皆
疾生無復留難若得生以當為人作福德之子不為
邪鬼之所得便種強豪強是故應修幡燈功德諸過
命者修行福業至心懇惻應代亡者悔過衆罪垢即

滅上已看此文有多事一可莊嚴病者謂經文云洗浴
身體着鮮潔之衣二可燒名香三可懸繒幡蓋四可
讚歎三寶讀誦尊經五可用善知識文云廣為病者
說因緣辭喻善巧言辭微妙經義等云又可供燈明
西大寺已講臨終行儀云東大寺燈燼殿鉛云若人
於佛塔廟施明已臨終時見三種明一者彼人臨命
終時先所作福悉現前憶念善法而不忘失因此念
已心生踊悅二者因此便起念佛心能行布施得歡
喜心無有死苦三者因此便得念佛之心又得見四
種光明一者臨終見於日輪二者見淨滿月三者見

諸天衆四者見於如來坐菩提樹自見已身尊重如來合掌而住已此說有憑常修此事檢起世經有此說燈爐銘依此說欵已上先師酒肉五辛者正法念經云若於前世以酒施於持戒人或破禁戒而自飲酒或作麴釀臨命終時其心迷亂失於正念墮於地獄已問五辛禁忌日數如何答委如觀念法門記但妙云一說僧抵七日一說律分蒜七日薑五葱三日一說根本毘那耶蒜七葱三日薑一日或以香失為期毘那耶藏事文云左洗濯香薰無氣後方入寺上一說善集食蒜人九十四日此經不戒人云五辛中不入葱薑分日數人說薑禁也

云相尋我禪上人處不知此說妙抄問本願念佛猶滅逆謗何為酒肉所障耶答先師云和尚三昧發得人也往生之道既能決佛仰而可信但至難者以後念佛能滅前罪今即不然依惡香緣鬼神交亂病人狂死不住正念不修念佛何得大利不可不慎云又吞食酒肉辛等是破戒人然下中品猛火現前一念即生故以餘障誠念佛人又機分差品有障好自謹慎舉持教者先師云丁寧勸也尤可守之此則當於禁忌補養譬如服藥後禁毒矣念佛名是良藥誠酒肉是禁忌古燈明幡蓋善知識等助發念佛補養法

也禁忌補養名目出妙樂十二門戒儀受三聚十重戒是服良藥慎破戒惡緣是禁忌也補養有二或自修善云補養或勸他修善云補養諸宗皆有此意真言灌頂之時授三摩耶戒是怖破三摩耶罪故也已先三述用意先引神變作意例顯往生迎接想有在師次引綽和尚正明胃在前能弁懷念神變作意者依大論意神通有三在任運神通作意神通今引作意神通勸往生想自力神變猶依想念而成況於他力本願往生哉心如野馬者資持記云心猿未鎮欲馬難調積習成性者有云性有二性謂習成性不改性

也今成性者習成性耳佛告大王者蠻師略論云頻婆娑羅王有云觀佛經意見淨飯王淨飯王泥洹經云大王臨終之時釋迦勸念佛令往生云問所言念佛何念佛耶答有云觀佛經不說何念佛寶積經說勸父王令生極樂故是弥陀念佛欣如樹先傾等者大論十八云佛告摩訶男汝勿怖勿憂汝是時不生惡趣必至善處譬如樹常東向曲若有斫者必當東倒善人亦如是上樂邦文類四云智論云如風吹樹倒叙勢西傾及其倒時必當西倒習善得生亦復如是已刀風一至者弘四云言風刀者人命欲盡必為業

力散風所解如解韁橐使息風不續如解溝瀆使血脉不流如解機關使筋節不應如解火炬使煖氣滅盡如解塚器使骨肉分離四大既分已所言十念者指下々品釋臨終故雖有多釋等者此指雲鸞道緯義寂迦才懷感等云多釋也

次勸念有標釋人二初正明勸念二問答決盜初分為二一明能勸用意二但勸下明勸念相善友者心地觀經三云菩提妙果不難成真善知識實難遇一切菩薩修勝道四種法要應當知親近善友為第二聽聞正法為第二加理思惟為第三如法修證為第一

四上已佛性論三云善友者不出三義一喩愍二聰明三堪忍三義若少一種則非善友若但怜愍不聰明譬如父母雖念子病不能救治若但聰明無慈悲者如怨家師不治他病若不能堪忍則自行不足怜愍聰明亦不能就上為順等用意有四順教等言雖是通懶余約看病故四用意是最勝義順佛教者四分律云佛言自今已去應看病人應作贍病人若欲供養我者應先供養病人及至路值五衆出家人病佛制七衆皆令往看若捨而不看皆結有罪故諸佛心者以大慈悲為體隨順我語即是佛心也已為利等者若無輔助病

者無脫如_二下_一品此_一人苦逼不_一遑念佛善友扶之十
声除逆是利生極此善最大以_一滿自果彼已得度須
知今緣明勸念中初為勸念而誠餘緣二今且下正
明勸念誠餘緣中初標前事勸今用心二須門下誠
此穢境令期淨境標前事中且為自身結其詞者對
他云且他云且他意雖多豈如之也狀依通漫臨終
最急故云就中誠餘緣中穢境無香味觸自非往_二
惣誠故淨境唯歛觸一恐自然略明勸念中初標二
別釋念第一事為二一發實智知生死本還常自寂
滅相二是故下依三實加翻生死妄大乘實智者緣

實理智故云實智問不發實智不往生耶答不然上
上上中可發實智上下以去雖無此智可往生也難
云若念直可勸念佛何作此釋耶答先師云縱不領
解聞深法故成悟實相之妙緣也譬如小兒見火雖
不知熟由來手取之時必生熟惄今雖不知生死由
來觸耳終有證悟巨益而已圓覺經等者圓覺是佛
性異名無明圓覺是同時也心体本不生妄生幻無明
釋論意云決定一時無有前後云妄心者問有何由
起妄心答首楞嚴經云既稱為妄云何有因若有所
因云何名妄上故不妄論其因由妄迷圓覺妄執諸

有更起貪瞋輪迴不絕問圓覺本覺同異如何答同也且對始覺故云本覺始本圓融故云圓覺問妄心未起已前之與覺悟如來為全同耶若言異者從妄心起名迷衆生知其已前本覺之體除此之外更無異佛若言同者既稱覺體何起妄心若云本雖覺體而迷出者翻迷歸悟之後亦可迷出答談實理時心性圓明之外更無餘法迷妄衆生覺悟如來全非別體若言今悟如頭重頭眠士夢中之所鬼食何云真實頭本具足更無變異士夫依身亦全不失只是迷情更不可叶法之實體得此理已還亦迷者無有是

處如幻無定性者法性不守自性通用變作諸法其變作法云無自性無自性故云無定性圓覺有二性自性清淨寂滅不反不守自性隨緣淨名經云於意如何譬如幻師幻作男女寧沒生耶上已歸三寶中先惣以喻標三寶次是故佛子下別列三寶三南無極樂下惣結三寶別念中佛自惣之別終歸正行故法僧自別之惣先念別德故藥師像法轉時有緣如來垂加設雖欲兩益仰彼德普賢文殊示徃生道弥勒有付屬德地藏拔苦慈深龍樹往生先達尤可歸念此諸

別德問別德雖亦淨土教意令淺近機專心有在何
閣此理念諸德忌淨土經標般若等答請翻邪加故
念諸德般若空妄法華樂實尤叶今德證誠淨教豈
漏總結又問若舉三寶可局極樂何舉餘佛而非專
修答今家意哀淺劣機雖勸唯稱非全如京師欲問
可請一体何請別相耶答先師云教化病者可說浅
法今即此意也或令聞鐘聲增正念者弘云於是教
維那曰人命將終聞鐘磬增其正念唯長唯久氣盡
為期已念第二事先標假有淨土為下念田二故為
下先狀穢界於中初頓苦相以勸狀離二然下明易

離由設雖狀怖若不斷因何絕苦果然以佛力速滅
苦因離此苦果若據餘門不除見思不出三界不證
真如難昇報土然總念名除滅罪業忽入報國是佛
強緣何堪慶悅三是故下結念信心勢盡應勸次事
者知識見病者倦念佛且止念佛可勸次事勸誘為
令生信心也念第三事初舉欣生結前狀離二眼瞻
下舉彼快樂勸臨終念三佛子下標人身佛教難得
以厲欣求四應作下結念第四事先舉願力次佛
予下束傍正業決定樂果須求其業者問引二十願
有何要答廻三除善為備往第故云須求其業一生

正行雖是定業為令往生堅求過未及現餘善難云上舉十念何求餘業荅十念即是所修正業諸善為助此十念此之諸業只所迴善非勸始修祖師口傳云深心嫌雜此嫌始修非嫌善體迴向心中迴万善者已修善故云全與今同問今師意第大願存順次耶若余違御廟釋矣荅此願則有過現現未二意是故約過現門引順次耳更不可違御廟釋也問上舉本願次佛子下請佛力攝故一生修對上植善盡迴向對至心等願由等對上果遂何云過現門乎荅上來既定往生心行是一生業更所求業定是余業為

成此業即引願文故先標一生所修云佛子等次述引願文之意云今須重等回三際善三際善之言雖是通總於中過善即此願攝也當知一生修西業故不飽往業聚集過去遠生一切善根令往因堅故不可以大願為順次願也問次下先舉願文以行者已發重發大心諸善而對願文今文同彼何成別義荅丕類非此是一生行者臨命終時更求大願植德本若願所誓行者所修是一何忽贊言願雖植德標行者云一修業彼願行者俱用同名此標一生更集三際彼標已發重發是一大心故不可類一生三

際前後不等若願植善是一生善據何忽回三際善也念第五事先舉願文令平生心行次今須下懸願文勸臨終重發心三應作下結念今須重發菩提心等者此願有菩提心有諸功德上願下行於中發心為要故云今須重發菩提心尋云為堅其業引本願文而何不引第十八耶答案此行儀始末初云本所期是臨終十念第一段云南無阿彌陀佛十念巴上第二段云南無阿彌陀佛有不可思議威力若一心稱念等第三段云十念阿彌陀佛乃故應一心稱念自初至第三段正勸稱名後引兩願是求助業第六歸阿彌陀万

德第七念白毫一相第八念攝取光明第九念來迎軌則此六七八九四段勸稱名意念第十勸正臨終念佛十段雖異稱名為要是願所誓則決了故不別耳問今引兩願何違經次答經十八九願是順生願第二十是遠生願故願順次生因尋誓臨終迎接今次正業求其餘業更勸菩提心故果遂願後還引來迎願况乎聞名是正行氣類尤可具一生業問第十九願來迎為要今意何反經旨答今師非沒願意故第九十或云決定來迎或云如來本誓一毫無謬即指第十九願今為勸重發菩提心且取來迎所對菩

提心句所對中雖有諸功德正行之人非可重行故不勸重修問發菩提心非是正行何勸重發若雖非正行是助念法矣願我為利益等者問初心行者豈發此心答大乘本意故勸發心非被万機念第六事初立第六念由二然彼下正念功德小經依正名號功德或云阿僧祇劫說或云不可思議念此功德豈無大益三應念下結念具往生業者此指四五兩段廻向發心而云具往生業雖指四五亦通尋常重廻重發可包前故今須等者弥陀名號万德所歸故念一名所益深廣今殊念彼一切功德業彌增盛念第

七事先念白毫一相准弥陀因行故三是即下念滅罪德無漏智力滅有漏罪故三是故下結念如五須弥者今文雖勸真身白毫下機不堪故隨其所應可觀丈六之白毫欵念第八事先舉攝取益結業難脫得不取益次如華下舉覺悟益清淨光力淨三種染三事故今下結念七八兩事同念白毫前念滅罪後念攝取故非重疊又放光明等者六十華嚴第八說佛光因果文先師云人師多引此文最要文也留心思之云樂邦文類五云又放光明名見佛此光覺悟將終者令隨稱念見如來命終得生其淨土見有臨終勸念佛及示

尊像令瞻仰俾於佛所深歸是故得成此光明此二偈者前四句讚佛放光其名為見佛能令臨終者見佛往生後四句讚佛修此光明之因者只是勸臨終人念佛并示其佛像故成佛時得此光明今廣施此偈者蓋勸深信者凡遇眷屬及一切人臨命終時先於床前安置佛像令彼佛見及勸令念佛若痛苦所逼或先無信心不肯念佛者亦須種乞方便勸令稱名下至十念得滅重罪生佛淨土此一利益不可思議若勸得一人生淨土縱自不修行亦令得生佛國况當來成佛能放光明照一切衆生臨終

見佛也多見世人為恩愛故聚頭哭泣不思救度苦哉苦哉名為惡知識也恩愛所牽墮落惡道無解脫期世間有五種人不肯念佛一者先無信心二者戀著我財寶三不捨妻子四者自惜身命五者罪業所障死墮地獄願早覺悟慈雲餽主遵式觀念佛三昧必見佛者安樂集云菩提心成佛器念佛見佛器上境界自體當生三種愛者勘云釋氏要覽云唯識鈔云命終心起四種愛即一切有情善惡身之根本也一者於自身起現有愛二者於現在眷屬起貪喜俱行愛三者於現田宅資生業起從彼喜樂愛四者於

當來世起後有愛且四愛中前三助潤生後一是正潤生謂於當來生地起故故名受生心此心位若得人善巧策發聞佛名聲聲念專繫聖境以不顛倒故如隨願往生善趣已問以何方便可對治之答堪秀臨終記云凡續生緣其有二種一境界愛謂貪染資具妻子等也二自體愛謂賞翫自身增我執也依此二種緣生死更續若臨最後其緣競起者應作是念世俗財寶皆幻法也血肉諸根皆以不淨也寶若寶者何不隨身去哉今最後終焉之魁婆婆一期之限也財寶親戚皆以別去若致貪染者雖有因此沉身

之患應無因此益身之計生死無常分段不淨此度可棄置之上此文留心矣又千觀內供十大願云臨終之時身心安樂者人生未斷愛欲命終之時必起三愛一者境界愛謂必死現前之時於其所愛妻子眷屬生深重愛也二者自體愛謂身心彌羸命終時捨先所愛妻子眷屬但愛自體惜已身命三者當生愛謂正命終時見中有身迎來即愛其當有生也此三種愛流動其心故心生愁惱命將盡時風刀解脉千苦相逼故身生極苦身心遇苦不能念佛故發此願要其安適問凡夫人誰斷此愛死遍際苦又是分

段生死之理，豈得免者哉？答尋常深著五欲愛惜，自身遇患，深生厭離，不恋著者。此人臨終不必起此三愛縱雖起之，愛執尤輕。况乎發此願人設雖尋常欲愛深重，願力持心不可起之。又死邊際苦是雖生死之理，若願力相資者其苦又輕。上問此三種愛何經論說？答有云大集經。有此說已，又無著頤揚論雖述此義，不言三種愛也。念第九事初舉攝護，况今迎接二，何況下正明來迎三。故佛子下結念光攝舉第九觀來護舉普觀文是常念人父母於病子等者涅槃。

經二十云：譬如一人而有七子，是七子中一子遇病，父母之心非不平等然。於病子心則偏多大王如來亦於諸衆生非不平等然。於罪者心則偏重於放逸者，佛則慈念，不放逸者心則放捨。上動法性山入生死海者止觀。一云淨名云：其子得病，父母亦病。大經云：父母於病子心則偏重，動法性山入生死海。故有病行嬰兒行是名感應發心也。上弘云次引兩經以證感應從惡機說故云病子乃動法性山等者結感應義法性不動如山，衆生惡深如海，非大誓願無謀善權安能動難動山入難入海同善同惡示逆示

願同惡故有病行同善故有嬰兒行慈悲從因感應從果以有因故果方能入上與諸聖衆俱來引接者問上第五段引來迎文今何重舉答上雖引願文釋菩提心不述來迎之儀式故今正述所誓相也惑障相隔雖不能見者問佛既來入何不見之答佛來應有其冥顯異正命終前必有冥來故知識約冥勸誘病者之言故無矢結念中初結念多少二若病者下局結當念第七八九條事者十段皆雖要今要中取要所以然者第七念佛相好滅罪第八念佛光明治愛若有罪因愛繫焉離苦界第九正念來迎若得迎

接諸邪業繫無能畢者故三箇條尤大要也念第十年初明知識勸誘二應作下結念臨終一念勝百年業者大論二十三云佛告阿難行惡人好處生行善人惡所生阿難詣是事云何佛言惡人今世罪業未熟宿世善業已熟以是因緣故今雖為惡生好所或臨死時善心少數法生以是因緣故亦生好所行善人生惡所者善人今世善未熟過去惡已熟以是因緣故今雖為善而生惡所或臨死時不善心少數法生以是因緣故生惡所問曰熟不熟義可分臨死時少許時心云何能勝終身行力答曰是心雖時項少而

心力猛利如火如毒雖少能成六事是垂死時心神定猛健故勝百歲行力是後心名為大心以捨身及諸根事急故如人入陳不惜身命名為健如阿羅漢捨是身著故得阿羅漢如是等種々罪福業報轉報亦應如是上問如論文者善惡相對而判今釋善善相對何云依彼答隨義轉用云結念中初結廣略念二如是下明廣略意第十事是最要十正臨終時等者問以何事為第十行儀答下釋云但以一事為最後念不得衆多已其一事者弥陀本願也言衆多者十箇條事先師語云真觀房臨終之時書當段文押

枕邊矣時勢觀房為童形為後形見託書要文真觀房書云如來本誓等云依之上人御庵室中以此文謂要集肝心仍予染肝腑云言本誓者臨終一念勝百年業重乘無謬生因願決蒙引接言一事者應是願佛必心引接句言衆多者應是廣勸及上九事言進止者是詞多少言攀緣者苦逼多言不應其心時促多言狀非要事決濫引觀佛經如法事讚記

